

NASUDNON NGA CONSAGRACION NGADA HAN DYOSNON NGA KALOOPY

*(Pag-aampoon ha ngatanan nga Misa han Ikaduha nga Domingo han Pagkabanhaw,
liwan han Pag-ampo han Bungto)*

Labi Kamaloloy-on nga Jesus,
Ikaw an bayhon han kanan Amay kalooy
Tungod han imo kalooy imo kami gintawag.
Nga magmaloloy-on sugad han Amay.
An misyon nga igintapod mo ha amon.

Ha hugot nga pagtapod ug
pagsarig han imo waray katubtuban nga lawod han gugma,
amon gintutubyan an bug-os nga amon mga kalugaringon ngada ha imo
ngan iginbubutang an amon mga kalugaringon
ha ubos han panalipod han imo maloloy-on nga pag-alagya.
Amon gin-urosa an amon mga kalugaringon ngada han Imo hingpit nga paghalad,
kausa han Espiritu Santo, ngadto han Amay,
basi kami hul-os nga mabag-o sugad han Imo Kalooy.

Kalooyi kami,
han gyera han mga nasud
ngan han mga kataragman nga ginhuhulga ha kada tagsa.
Kalooyi kami,
tungod han paglurab han sala kontra han kamatuoran
ngan an makangingirhat nga sala
kontra han hustisya ug tawhanon nga kamagburugto.
Kalooyi kami,
tungod han mga panamastamas han Imo Dyosnon nga Kalooy
ngan han kamakangingirhat nga pag-uyan-oyan han mga magluya ug mga kabras
Kalooyi kami,
tungod pag-abuso han dignidad han tawo,
han kinabuhi, han gugma ug han pamilya.

Tabangi kami, Ginoo,
nga amon maipakita an Imo Kalooy han mga nagpapalibot ha amon.
Bantayi kami sugad nga imo pagtag-iya
nga dida han makuri nga mga takna diri kami magturaw
kundi' ha hugot nga pagsarig
igintutubyan an amon mga kalugaringon
ngada han imo santos nga kaburut-on.

Himoa kami nga mga instrumento nga makakapahalibway ngadto han iba
nga nawad-an hin paglaum ngan diri natapod han Imo Kalooy.
Hinaut an mga tawo kumilala han Imo diri matugkad nga kalooy,
tumapod han imo kalooy ug maghimaya han Imo Kalooy ha kadayunan.
Jesus, Hadi han Kalooy,
natapod kami ha Imo.
Imo kami ngatanan.
Amen.